



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. LXXVII. Gloriæ Dei Et Hvmanæ Salvti plurimum officit
Ecclesiasticorum improbitas.

urn:nbn:de:hbz:466:1-42349

Timotheum suum 1. ep. 4. v. 12. ita moderetur & vitam temperet, vt propter iuuenilem ætatem non despiciatur. Nemo, inquit, adolescentiam tuam contemnat, quæ nunquam iure spernitur; si iuuenilia desideria fugiat, sectetur verò iustitiam, fidem, spem, caritatem & pacem 1. Tim. 2. v. 22. Nam vt ait Salomon Sap. 4. v. 8. Senectus variabilis est, non duraturna, neq; annorum numero computata, cani autem sunt sensus hominis, & etas senectutis vita immaculata.

Cor canum
etiam in iu-
uenili pecto-
re honoran-
dum.

§. Rursum Apostolus Tit. 2. v. 15. Nemo te contemnat. Vbi S. Hieron. in Comment. Talem te exhibe, vt contemni non possis. Et 1. Tim. 3. v. 7. vt non in opprobrium incidat, id est, non pateat aduersariorum calumniis & morsui scophantarum.

C A P. LXXVII.

GLORIÆ DEI ET HUMANÆ SALV-
ti plurimum officit Ecclesiasticorum
improbitas.

§. QVam verò praua clericorum vita & diuino honori & toti Ecclesiæ detrimentosa sit & exitialis operæ pretium est, vt considerent. Expostulat Deus cum Sacerdotibus. Ierem. 23. v. 11. 12. Propheta & Sacerdos polluti sunt: & in domo mea inueni malum eorum, ait Dominus. Idcirco via eorum erit quasi lubricum in tenebris: impellentur enim & corruent in ea: afferam enim super eos mala annum visitationis eorum ait Dominus: Qui idem Dominus queritur Ezech. 22. v. 26. quod 1. non ignorantia, non imbecillitate sed destituta malitia legem ipsius perfundarint. 2. quod non solum foris, sed in ipso etiam templo variis se sceleribus astrinxerint, cum Dei domum deceat sanctitudo in longitudinem dierum, h. e. semper Ps. 92. v. 5. & quasi à facie colubri fugiendum sit peccatum Eccl. 2. v. 2. vt & nemo velit domi suæ dracones fouere vel viperas. 3. q. inter cibos mūdōs & immundos, lege cōcessos

Expostulatio
Dei cum ne-
quam sacer-
dotibus.

aut non concessos delectum non habuerint. 4. quod non considerauerint, quomodo Sabbathis sacrisque diebus Deum ritè colerent, propitiarent, conciliarent, & cum viderent populum festos dies violantem conuixerint. 5. quod hinc consecutū, vt Deus ac ipsius honor ac cultus negligeretur, contemneretur. Prophetæ verba sunt ista: *Sacerdotes eius contempserunt legem meam, & polluerunt sanctuaria mea: inter sanctum & profanum non habuerunt distantiam, & inter pollutum & mundum non intellexerunt & à sabbathis meis auerterunt oculos suos, & coinquinabar in medio eorum.*

Deus propter improbos sacerdotes conuenitur. §. De eodem scandalo à Sacerdotibus & Leuitis dato & populis præbito conqueritur Deus Ezechiel.

44. 7. 12. Pro eo quod ministrauerunt illis in conspectu idolorum suorum & facti sint domui Israel in offendiculum iniquitatis: idcirco leuaui manum meam super eos, ait Dominus Deus, & portabunt iniquitatem suam, & non appropinquabunt ad me, vt Sacerdotio fungantur mihi, neque accedent ad omne sanctuarium meum, &c.

Improbi Sacerdotes plurimum populo nocent. §. Culpæ similiter & probro iisdem vertit, quod populum, quem ad virtutem dirigere & incitare debuissent suis vitiosis moribus & dogmatibus deprauauerint, Hoseæ 5. v. 1. Audite hoc Sacerdotes, & attendite domus Israel, & domus Regis auscultate: quia vobis iudicium (damnatio) est, quoniam laqueus facti estis speculatorum (scandalum populo quem speculari & cuius curam gerere debuiſtis) & sicut rete expansum super Tabor, id est, ex sententia S. Hieron. Irretristis reliquos & eis exitium attulistis, per vos enim inciderunt in idololatriam.

§. Rursum iisdem opprobrat, quod à morum sanctitate & legis custodia deflexerint, & suo malo exemplo aliis occasio ruinæ & peccati fuerint Malach. 2. v. 8. Vos autem, ait, recessistis de via, & scandalizastis in lege plurimos. Et quod huius mali supplicium? Propter quod, inquit, deinceps, & ego dedi vos contemptibiles, & humiles

Improbiorum Sacerdotum pena.

humiles omnibus populis, sicut non seruastis vias meas, & accepistis faciem in lege, hoc est, secundum B. Hieronym. in Comment. Non causas, sed personas considerastis, iustumq; pauperem despicientes, iniquos diuites suscepistis & honorastis. *Personarū acceptio.* contra diuinum iudicium. Leuit. 19. vers. 15. Non facies quod iniquum est, nec iniuste iudicabis. Non consideres personam pauperis, nec honores vultum potentis. Iuste iudica proximo tuo. Psalm. 81. v. 2. Vsq; quo iudicatis iniquitatem & facies peccatorum sumitis. Deut. 1. v. 17. & cap. 16. v. 19. Gal. 2. v. 16. Iacob. 2. v. 1. vsque ad 9. Sanctus Thomas 2. 2. q. 63. artic. 1.

§. Itaq; despicationis Sacerdotum & Clericorum causa est vitæ improbitas: alioquin Sacerdotio & Clericatu nihil sanctius, nihil honorabilius, sed ipsi scelorum maculis dehonestant dignitatem suam & contaminant. Sanctus Gregorius libro 3. epistola 5. ad Bonifacium Episcopum Regium. Nihil de clero tuo prauum, nihil quod contra Ecclesiasticam disciplinam pertinet, audiat. Adornatum quippe eius, non ad feditatem actuum eorum pertinere debet officium. Quocirca dies in singulos impletur, quod Sacerdoti comminatus est Deus 1. Reg. 2. v. 30. Loquens locutus sum, vt domus tua, & domus patris tui, ministraret in conspectu meo, vsque in sempiternum. Nunc autem dicit Dominus: Absit hoc a me: sed quicumq; glorificauerit me, glorificabo eum: qui autem contemnunt me: erunt ignobiles.

